



18. Marts 2011

Inatsisartut suleriaasianni § 37 naapertorlugu Naalakkersuisunut apeqquq matumuuna saqqummiuppara:

Naalakkersuisunut Apeqquq:

1. **Akilaraarut 37 %-inngortinneqaraluarpat nunatta karsia aammalu kommunit sisamaasut akilaraarutitigut qanoq amerlatigisunik annaasaqassagaluarpat?**
2. **Inummut ilanngaasat 58.000 Kr.-inngortinneqarpat nunatta karsia aammalu kommunit sisamaasut aningaasanik qanoq amerlatigisunik annaasaqassagaluarpat?**
3. **Nunatta karsiani aammalu kommunit karsiani akilaraarutitigut isertitassat apparaluarpata aningaasat suminngaanniik matussuserneqarnissaat Naalakkersuisut takorloorpaat?**

(Inatsisartuni ilaasorta, Kristian Jeremiassen Siumut)

Tunngavilersuut

Apeqquteqaatinga ullulerneqartoq 9. Marts 2011 Naalakkersuisut akivaat 18. Marts 2011.

Naalakkersuisuniit akissutigineqartoq naammanginngilara taamaammallu apeqquteqaatinni akissutissarsiffigerusutakka nassiuteqqippakka. Eqqortumillu massakut akineqarnissara kissaatigalugu.

Inatsisartut Naalakkersuisunut sulisitsisuupput Naalakkersuisullu Inatsisartuni ilaasortamit paasissutissat pissarsiarineqarniartut Naalakkersuisuni pigineqartut ilaasortap tunniuttussaavai.

Tamanna tunngavigalugu paasissutissat oqallinnermi atorneqartussat pissarsiarinissai qinnutigivakka, paasissutissallu kissaatigisakka kisitsisinngorlugit tamarnik tunniunneqarnissaat piumasaraara.

Akilaraarut 37 %-inngortinneraluarpat nunatta karsiata aammalu kommunit sisamaasut akilaraarutitigut qanoq amerlatigisunik annaasaqassagaluarpat? Tassani takussutissiannngorlugit nunatta karsiata aammalu kommunit sisamaasut immikkut qanoq akilaraarutitigut isertitassaraluisa ikileriaatai takussutissiannngorlugit tamaasa immikkut qinnutigivakka.

Inummut ilanngaasat 58.000 Kr.-inngortinneqarpat nunatta karsia aammalu kommunit sisamaasut aningaasanik qanoq amerlatigisunik annaasaqassagaluarpat? Tassani takussutissiannngorlugit nunatta karsiata aammalu kommunit sisamaasut immikkut qanoq akilaraarutitigut isertitassaraluisa ikileriaatai takussutissiannngorlugit tamaasa immikkut qinnutigalugittaaq.

Nunatta karsiani aammalu kommunit karsiani akilaraarutitigut isertitassat apparaluarpata aningaasat suminngaanniik matussuserneqarnissaat Naalakkersuisut takorloorpaat? Imatut paasillugu nunatta karsiani aammalu kommune-ini sisamaasuni matussutissat suminngaanniik nassaarineqassanersut Naalakkersuisut takorloorpaat.

Oqallittoqartariaqarpoq tunngavilimmik, uangalu kissaatigivara oqallinnerni paasissutissanik tunngaveqarluartunik eqqortunillu peqarnissara.

Kissaatigaara apequteqaatika ullut suliffiusut qulit iluanni akineqareersimanissaat.